

**LJEKARSKA KOMORA  
ZENIČKO – DOBOJSKOG KANTONA**

**P O S L O V N I K  
O RADU NADZORNOG ODBORA**

**Zenica, decembar 2017. godine**

Na osnovu člana 25. stav 1. alineja 5. Statuta Ljekarske komore Zeničko-dobojskog kantona, a u vezi sa članom 51. stav 1. Statuta, Skupština Ljekarske komore Zeničko-dobojskog kantona (u daljem tekstu: Komora) na sjednici održanoj dana 21.12.2017. godine donosi

## **POSLOVNIK O RADU NADZORNOG ODBORA KOMORE**

### **I) OPŠTE ODREDBE**

#### **Član 1.**

Poslovníkom o radu Nadzornog odbora Komore (u daljem tekstu: Poslovník) uređuje se: način izbora i imenovanja te rad Nadzornog odbora, djelokrug, obaveze i ovlaštenja, način pripremanja i sazivanja sjednica Vijeća Nadzornog odbora, vođenje zapisnika, donošenje izvještaja, prisustvo sjednicama i druga pitanja od značaja za rad i djelovanje Nadzornog odbora.

#### **Član 2.**

Odredbe ovog Poslovníka obavezne su za sve članove Nadzornog odbora Komore, sekretara Komore, kao i druga lica koja zbog prirode posla saraduju sa Nadzornim odborom Komore.

#### **Član 3.**

Djelokrug rada Nadzornog odbora Komore utvrđen je članom 50. Statuta Komore i podrazumijeva:

- Kontrolu provođenja odredaba Statuta, odluka Skupštine i drugih organa Komore;
- Kontrolu finansijsko-materijalnog poslovanja Komore;
- Obavlja i druge poslove određene Statutom i drugim aktima Komore.

#### **Član 4.**

Nadzorni odbor je naročito ovlašten da:

- Vrší nadzor nad finansijskim poslovanjem Komore;
- Nadzor iz prethodnog stava vrši najmanje jedanput godišnje;
- Sekretar Komore dužan je omogućiti Nadzornom odboru uvid u finansijsku dokumentaciju u vrijeme obavljanja nadzora.

#### **Član 5.**

U izvršavanju poslova iz djelokruga rada, Nadzorni odbor Komore će postupati prema odredbama Statuta, Pravilnika o finansijskom poslovanju i ovog Poslovníka.

## **II) SASTAV I IMENOVANJE NADZORNOG ODBORA**

### **Član 6.**

Nadzorni odbor čine predsjednik, zamjenik predsjednika, dva (2) člana i dva (2) zamjenika članova Nadzornog odbora.

Skupština Komore na izbornoj sjednici bira i imenuje Nadzorni odbor, prema odredbama Statuta Komore.

Mandat članova Nadzornog odbora je četiri (4) godine.

Rad Nadzornog odbora odvija se u Vijećima koja čine tri (3) člana.

Vijeće imenuje predsjednik Nadzornog odbora.

## **III) RAD NADZORNOG ODBORA**

### **Član 7.**

Sjednicu Vijeća saziva i dnevni red predlaže predsjednik Nadzornog odbora.

Predsjednik Nadzornog odbora rukovodi sjednicom i daje pravo glasa svim prisutnim sjednici Vijeća Nadzornog odbora.

U odsustvu ili spriječenosti predsjednika Nadzornog odbora dužem od 30 dana, sa svim ovlaštenjima predsjednika, Vijeće imenuje, sjednicu Vijeća saziva te sjednicom rukovodi zamjenik predsjednika Nadzornog odbora.

### **Član 8.**

Odluku o imenovanju člana Vijeća Nadzornog odbora, uz poziv za sjednicu, predloženi dnevni red i materijal, sekretar Komore dostavlja članovima Vijeća najkasnije osam (8) dana prije održavanja sjednice.

### **Član 9.**

Nadzor nad finansijskim poslovanjem Komore, Nadzorni odbor vrši najmanje jedanput godišnje, pred izradu završnog računa.

Nadzor iz prethodnog stava vrši uvidom u Finansijski plan i Izvještaj o finansijskom poslovanju Komore, koje Izvršni odbor sačinjava i dostavlja Skupštini Komore.

### **Član 10.**

U vrijeme obavljanja nadzora, sekretar Komore je dužan omogućiti Nadzornom odboru uvid u finansijsku dokumentaciju.

U slučaju potrebe, Nadzorni odbor može tražiti da sjednici Vijeća prisustvuje i predstavnik eksterne knjigovodstvene kuće koja je zadužena za praćenje finansijskog poslovanja Komore i sa kojom Komora ima zaključen ugovor.

### **Član 11.**

Vijeće Nadzornog odbora ima kvorum ukoliko su prisutna dva (2) člana.

Vijeće Nadzornog odbora odluke donosi jednoglasno.

Ukoliko članovi Vijeća Nadzornog odbora nisu usaglašeni u donošenju odluka, eksterna knjigovodstvena kuća koja je zadužena za praćenje finansijskog poslovanja Komore, na zahtjev Komore, može dati stručno mišljenje o neusaglašenim stavkama.

#### **Član 12.**

Nadzorni odbor podnosi godišnji izvještaj Skupštini Komore.

Godišnji izvještaj Nadzornog odbora sadrži podatke o izvršenom nadzoru nad finansijskom dokumentacijom (Finansijski plan i Izvještaj o finansijskom poslovanju Komore, a prema potrebi i drugom dokumentacijom), planiranim i ostvarenim prihodima i rashodima Komore, pregledu planiranih i ostvarenih aktivnosti Komore te smjernice i preporuke za dalji rad i finansijsko poslovanje Komore, kao i usvojene zaključke Nadzornog odbora.

#### **Član 13.**

Nadzorni odbor izvještaj o radu donosi jednoglasno.

U slučaju potrebe za dodatnim pojašnjenjima, sjednici Vijeća Nadzornog odbora može prisustvovati i predstavnik eksterne knjigovodstvene kuće koja je zadužena za praćenje finansijskog poslovanja i sa kojom Komora ima zaključen ugovor.

#### **Član 14.**

U slučaju da članovi Vijeća Nadzornog odbora ne mogu da se usaglase oko određenih stavki te donesu izvještaj, eksterna knjigovodstvena kuća koja je zadužena za praćenje finansijskog poslovanja Komore, treba dati stručno mišljenje za neusaglašene stavke.

Stručno mišljenje ne obavezuje članove Vijeća, ali su odluku, suprotnu stručnom mišljenju, dužni obrazložiti.

#### **Član 15.**

Član Vijeća, prilikom razmatranja finansijskog poslovanja Komore, može dati mišljenje o nekoj činjenici koje je oprečno sa ostalim, ali nije i presudno za donošenje odluke.

U slučaju iz prethodnog stava, izvještaj Nadzornog odbora sadrži i izdvojeno mišljenje člana Vijeća Nadzornog odbora.

#### **Član 16.**

Sjednicama Vijeća prisustvuje i sekretar Komore, bez prava glasa, koji vrši administrativne poslove za Nadzorni odbor, priprema zapisnik sa sjednice Vijeća i izvještaj o radu, vodi dokumentaciju i druge poslove po zahtjevu predsjednika Nadzornog odbora Komore.

#### **Član 17.**

Nadzorni odbor raspravlja o dokumentima i podacima koji predstavljaju poslovnu tajnu Komore te predsjednik Nadzornog odbora, odnosno osoba koja na sjednici Vijeća iznosi takve podatke mora upozoriti prisutne da se ti dokumenti ili podaci smatraju poslovnom tajnom Komore.

#### IV) PRELAZNE I ZAVRŠNE ODREDBE

##### Član 18.

Ovaj Poslovník stupa na snagu danom usvajanja kada je i objavljen na službenoj stranici LJKZE-DO [www.ljkzedo.ba](http://www.ljkzedo.ba).

Zenica, 21.12.2017. godine

Predsjedavajući Skupštine  
Mersiha Mahmić-Kaknjo

---

Broj: 01/S-729